



UKA 2018/230
13. november 2018
Bentiaraq Ottosen

Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu Naalakkersuisunut kaammattuutigaa imaani pisuussutini uumassusilinni mikroplasteqassutsimik kiisalu atlantikup avannaata imartaani plastikini mingutsitsinerup qanoq siammartigisimaneranik misissuinerup aallartitseqqullugit. Misissuinerup inernerisa 2018-imi Nunat Avannarliit Killiit Siunnersuisoqatigiiffiannut saqqummiunneqarnissaat kissaatigineqarpoq.

(Aallartitat siulittaasuat Vivian Motzfeldt)

(Siullermeerneqarnera)

Siunnersuuteqartoq oqaaseqaataanut qujavugut.

Nunarput issittup qiterpasissuani inissisimavoq, aalisarnerup imaani piujuaannartinnissaa pingaaruteqarluinnarpoq. Uummasut pinngortitalu mingutsinnginnissaanik politikikkut sinaakkutit annertuut tigussaasullu pigaavut. Taamaattumik ulluinnarni pinialuttartut eqqarsaatigalugit annertuupilussuarmik mingutsitinnnginnissaat pisariaqarpoq, misissuisoqarnissaalu tuaviortumik pingaaruteqarluni.

Nunat avannarliit killiit siunnersuisoqatigiiffiata annertuumik issittup imartaani arlaatigut mingutsitisinnaasunik misissueqqusinerat aallaavigalugu nunat eriagisassat taakkartorneqarsinnaapput, kisianni Kalaallit Nunaat isorartuupilussuavoq ilisimalikkatta qiterpiaraa nunaqarfiit eqqagassatigut angummassinnaanngitsut. Kisiannili tamatuminnga pinngortitap avatangiisaata mingutsinnginnissaanik siunnerfeqarnerup takutittarpaa uumassusilinnut piujuaannartitsinissap qanoq pingaaruteqartiginera.

Piniagassat imartatsinniittut piujuaannartinnissaat anguniarlugu aalisarneq saniatigut kulturikkut eriagisassat aamma pisuussutitta pingaarnersaat eqqarsaatigalugit eriagilluarneqarnissaat pingaaruteqartutut isumaqarpugut.

Taamaattumik kaammattuineq annertoq inuiaqatigiinni atuuttariaqartoq oqariartuutigaarput, pinngortitap avatangiisitalu mingutsinnginnissaat anguniarlugu issittup imartaani aamma nunataani annertuumik politikikkut sinaakkuteqartariaqartugut.

Avataaniit nunarput soqutigineqarluinnartuavoq, pisuussutit aningaasarsiorfigilluarsinnaasagut annertoqaat tamakkuli nunat sanilivut suleqatigilluarnerasigut uumasunik piujuaannartitsinissaq anguneqarsinnaavoq nunap inuisa kulturiannik avitseqateqarnikkut.

Taamatut oqaaseqarluta, una siunnersuut avatangiisinut eqqissisimasitsinermut ataatsimiisitaliamut ingerlateqqipparput.